

南陵縣志卷末

叙錄

宋淳熙十六年己酉

主修 郭堯知縣

黃裳序 南陵宣之劇邑戶口租賦視他邑數倍異時爲令者率挈挈救過不暇簿書期會之外不遑他恤人亦莫之怪以爲勢當如此而吾同年郭君高叔獨不然督租賦聽獄訟寬和簡易居一年邑以大治乃以餘力攻圖治史取南陵歷代興廢沿革之由與其邑里所至土地所宜人物所會及名山勝跡列著

南陵縣志

卷末 叙錄

一

爲一書謂之春穀志書成囑予爲之序於是有感焉夫治邑於今之世爲吏者率病其難不獨南陵然也而吾高叔獨能於此時易人之所難又能弄筆墨喜著書以備邑闕典則高叔有所挾者亦可見矣余嘗憶往年與高叔會成均時高叔年未四十鬚髮如漆賦詩飲酒劇談天下事若不足爲者余固擬高叔且爲大官樹功名於世噫今十年矣而方僕僕爲縣令追思往時所以相期者爲之太息雖然士獨患無才耳才如高叔要當爲世用余自此益有望焉高叔名堯東平人淳熙十六年九月中休日奉議郎太學博

士黃裳序

明嘉靖七年戊子

未刻

主修 俞昌言 知縣

崔雲序 約天下事而該之者國史也約疆域事而紀之者郡邑志也國非史統系之沿革名位之乘除與夫體量經制因革從違聲名文物夷夏險易無從稽矣次而一家譜牒具焉斯宗族之繁簡氏姓之偏正族黨之渙散媼聯之派別而後可稽一身亦必履歷之傳著而後出處進退之節純駁昏明之習責躬虧度之行而淑慝別焉史誌譜傳大小殊而均之係

南陵縣志

卷末

叙錄

一一

重矧百里之邑分疆而官畫野而守無志以紀其事治胡乎考南陵甯郡屬邑較之宣城不及者十之七較之涇旌甯太四邑過者十之五里以百計編戶聯比而十倍之賦稅匝地而百倍之山川之概有勝民生之需有出名宦之遺馥鄉賢之懿德世未乏焉然而志無完書自宋令郭公堯一嘗編之自是歷元逮今無復繼作官民之考據以泯宏治間雖修未成竟付之散佚今年十月冬莆陽俞公來知茲邑始視篆卽詢邑志旣而值太史東麓汪先生寓官於郡檄屬邑督修邑志適愜侯意乃開局編之采摭博訪不以

世氛而鉛槧之不以浮眩而撼奪之事物不爽其真是非不拂乎公未浹月而就編焉由侯之剛明之資威惠之政始克成之其間條理次別節簡帙繁雲亦用心於其間書成速雲序之姑概其由以塞不容讓之意焉嘉靖七年戊子十二月日南陵林下靜樂亭老崔雲謹序

嘉靖十二年癸巳

主錢 照 知縣 以俞昌言本考證付梓十卷

邵燁序 壬辰進士吾浙慈之錢氏子照將志南陵問志之道於郡守氏郡守氏曰子是之尹而是舉也

南陵縣志

卷末 叙錄

三

其知修輔之道乎夫九邱禹貢職方諸載籍也其諸志之精神命脈哉志之爲道至重焉者也無他嚴法戒也子事事也其顯其藏其妙無疆爲理爲器闔闢周詳曰何居郡守氏曰百里受地多矣其有據其要會精凝粗焉精其圖考粗其多有是故圖要會可以見多有矣多有也者辨州則有星野定守則有疆域靈而山川尚而風俗水利之順戶口之繁田賦之則河漕之便役法之均兵防之豫物產之宜曰名宦曰人物曰流寓之可以爲法曰公署曰學校之可以爲治爲教存古蹟以圖新定祠祀以崇正橋渡以知政

體塚墓以重本始寺觀以驗興廢藝文以徵文獻雜志以藏往攷古凡其有者相因係焉是故係其多有可以實厥圖矣圖之實二十四者備而理器合一精粗不遺而志之道庶幾矣曰圖中之理言乎星野誠易知也其多有也亦以理槩何也郡守氏曰地之形著儼無聲無臭之理天之默運涵有有爲用之形形之涵自星野以至於雜志壹是皆以理藏爲清冒理之儼從雜志以達於星野壹是皆以器顯爲重承是故裁成輔相不在志乎夫圖與志漢唐宋世蓋咸有之我明洪武求之有使迨夫永樂理之有官時則守

序
令職修而具焉有矣若罔備也安必無之子是舉也其知修輔之道哉錢氏子拜手稽首曰旣聞命矣施之志也惟命是從志成書之俾引其首云郡守邵燁

萬曆十三年乙酉

主修 沈堯中 知縣 同修 吳萬全 教諭 程校 訓導

汪讚 訓導 纂修 許夢熊 同纂 汪冀立

采輯 葉時晏 同輯 汪應期 張維載

劉祖元 任廷諭 葉應坤

陳上國 朱應期 孫一惠

張肇太

劉維誥

潘應元

胡師宏

王 贄

管 樂

劉 選

周文御

王之造

丁時裕

何文顯

强世熙

朱文謨

陳雅言

梓校

曹宗思

曹宗軻

訪采

文宗道

鄧宗璧

張廷密

張 涵

劉 泌

管 栗

畢鏘序

南陵縣志凡三卷今沈侯所修也侯於為

政之五年稔知風土之大要與治體民俗利弊之源

南陵縣志

卷末

叙錄

五

因革之故於是按古酌時期備擊采而垂法則也侯

蓋曰吾奉天子命為吏司茲土民弗甯居如職何且

吾業已殫智極慮為之姑紀其成以俟後云夫地不

百里介於六縣犬牙相參淆尺寸而起鬪訟甚則師

故疆域宜辨也坊里鄉都瓜分棋置百需出焉自田

地之多寡既分苦樂不同公私交病故田賦宜均也

四境民庶勤耕力作薑芋絲枲僅十之一而取足於

田岡隴連屬旱溢鮮登故水利宜興也宮牆崇廣爰

宅聖靈羣賢攸附鍾山川融結之氣而潛修懿行範

我鄉閭出以匡世道而贊皇猷故學校宜重也是故

欲其重則表章前聞相土卜吉而廟貌維新也欲其興則堰壩必固以石而督理陂塘也欲其均則定爲坊千畝里六百畝之額也欲其辨則彼疆我界甚嚴以明各守其封也是故見帝王表山封瀆之遺制焉見周畫井限田之成規焉見西門豹引水溉田之畱惠焉見卷阿鳳凰之翩翩焉見魯頌泮水之筏筏焉辟之主翁之於其家之務履歷足蹟隨處皆到旣得其肯綮之所在而講求咨諏經畫運用又竭數年之精力以從事於斯其心固曰吾先亟圖於其大而其他亦次第以舉矣豈嘗試而漫爲者哉故志之目凡

二十有六而五者其大要也是以獨尤詳焉爾夫政之損益時也而官有更代吾循吾職而與民樂成亦惟求盡此心而已非敢矯異以自爲名也後之人其必能察而諒之矣此侯修志之本指也余謂史據事直書詳略者其辭也夫志亦猶是焉讀侯之志而知其心之孳孳於民也於是乎序萬厯歲次乙酉仲春石埭畢鏘序

沈堯中序 縣之志縣之史也南陵舊無志志之修於嘉靖甲午也肇自錢令而其體甚略迄今五十餘年下所患苦上所沿革日非其故此而弗紀將俛俛

乎何稽於是堯中不揣謏劣與邑士大夫暨學博諸君共圖之而新志遂成序曰夫南陵古揚州域秦創名陵陽隸之鄣郡西漢改爲春穀隸之宣城已而春穀改陽穀又改南陵而縣名始定其所隸之郡號逐祚更割裂牽併轉徙弗一唐宋時爲望邑皇明之興其人不煩兵旅景德內附隸之甯國而甯國者南畿股肱輔郡豐芑鎬靡之區也生於斯吏於斯而昧厥攸自可乎故首建置斗牛當吳地會稽之分野隋志云天官南斗十二度至須女七度爲星紀於辰在丑吳越得其分蓋指禹貢之淮海惟揚也故漢之熒惑

入南斗而丹陽盜起魏之白氣出南斗側其長竟天而毋邱儉有討貳之師晉之日食在昴至斗牛而蘇峻背叛兵鬪丹陽間事作於下象著於上渾天之占契應不舛故次星野四鄰之封獨宣城蕪湖以河爲界而壤地不與南陵混他則犬牙參差脣齒揉互狡匿豪據告訐紛拏余嘗奉例一一勘步之立石界上而田在繁昌銅陵涇縣相規避者悉會而還諸我彼疆此界井井不紊故次疆域民社之設形勝是依山從九華騰躍翔舞而來而工山之巖然嶽峯者先受之由是羣山合沓四面繚繞其俛侍者若子姓拱揖

者若賓朋附麗盤旋者若族黨昆仲而籍山陂陁夷
衍翼蔽乎縣治之後形止而勢聚其川則引龍水十
餘道滔滔汨汨或合或離旋繞縣治而競驚歧出者
爲溪湖澗洞支派無慮數十駢疊於垣之內外鍾美
而疏惡蓋山水之交稱隩壤矣余於籍山移樓藝樹
厚培而固擁俾風氣摻結而不散濬其明堂之淤而
斥拓之又營石梁於東偏以緩眾流之奔趨故次山
川民間俗習淳樸而儉節佃農之家務本抑末澹於
自奉士者好學問婦女恥踰閭闔大較美矣間有乘
一朝之忿負氣不相下狺狺然輕訟而喜爭婚娶論

財不純以禮徼福媚神謬聽於巫覡此其未易變者
余諮諏而識其沉疴爰製砭俗一書因儉示禮而家
諭之故次風俗食土之毛方物各異南陵所產不過
稻蔬竹木麻苳之屬而已非有鹽鐵之饒犀翠之琛
又非有千金富賈重裝巨艦之集而坊里之役每不
勝任曩者授田不均而責之倚辦田多艱於斂田寡
瘁於供實兩病之余爲均其田數贏縮相權肥瘠相
肖按籍以責主者不勞而無偏重長短之弊又蠲役
者浮費而刪減甲總可已者輒已之弗得屏伏村墟
以武俠犯禁爲姦利故物產與坊里次焉黃冊之造

而丈量行也計其丁得八萬有奇計其田得六十餘萬迺以其餘補其荒而甦其貧已得請著畫守故戶口田賦次焉徽甯池控上游其水建瓴而下南陵獨蒙其害余乃行視地勢築治圩壩二百餘處又懼其橫潰吞齧而成績易敗也復酌歲歲修補之法勒爲規則鍤之梓而付專委之員倘吾民不憚暫勞而修於未崩補於未壞則永有秋矣故水利次焉君子所恃以帡幪者城郭居室也縣治前高而後削而城亦卑卑多所曠闕余乃樓之臺之臺榭堞而俯池濠獷劇不逞之渠覘之色沮之數者於以庇身居正陳事

圖謨乞言締欵植險制暴匪飾觀美也故官次城池次焉倉之有預備也待凶荒也有水次也待兌運也有社會也待補助也穀陳而糜腐役於倉者賠償不貲以其家殉之而尙未足也余蓋扼腕太息爲之上請出倉穀餘羨畀之里胥許其徧貸里中薄其息入而收之以抵所耗庶其鮮累也已故繫之以倉儲夫士何養乎養於學也今至聖則廟師生則塾樞躋則堂溫肄則齋藏書則庋贍匱則田相與盤辟乎簠簋之容旦夕乎弦誦之業鼓篋萃止者斌斌濟濟矣余又從諸生之願訂堪輿之說聳筆峯於巽濬硯泉於

離席旺氣於兌枕山阜於坎氣象郁乎煥哉是以士
氣振揚若將揚鼓旗厲鞭韃以會大敵之戰者科目
其大昌乎鄙意以吉地之興聞人當有追仲舒匹王
曾者出而青紫榮膺勿論也故繫之以學校明神之
靈爽而監赫者豪賢之以忠以勳以義以文者血食
千齡秩於祀典薰蒿灌鬯愀然降之浮屠老氏之廬
凌波曳虹之杠其道虛無其用率履譬之身之有眉
髮周行之有杖履也故繫之以祠祀寺觀橋梁所謂
故國者必有先古之遺焉丹井龍湫仙真所憑靈物
所窟其來逖矣甘羅李白令狐徐元功之蹤一時遊

息神與形偕者僅留如線籍山之址石魚之洲湮久
而復彰胥有裨於上下胡得無載也子不語怪而嗜
欲將至有開必先寶鼎金券白兔紫玉等種種符瑞
嘏慶隨之與夫奄寂之詭幻者塚廟之耀奇者錄之
亦足以廣異聞故擊之以古蹟雜志令長佩章紱統
百務蒼黔之安危愉感懸諸其躬丞簿尉毗而佐之
羣有司雜職布列祗事之皆仰祿公家一或尸素則
談者滄滄以爲譏緇帷皋比疑於吏隱當其爲師必
嚴肅而人知敬學莫之褻也故繫之以官師而述其
姓氏令丞之循良有治狀者其人已往久而思之於

梁得陳文徹一人唐自崔陵而下凡三人宋凡二人元僅一人曰趙時賞者與文天祥共事者也國朝自梅鼎而下凡八人而學博惟二人其存而先載府志者一人如近世耳目相接未遑錄也故繫之以循吏計偕賓興招選之正途苞菁竹箭豫章榘楠之材網羅且盡不涉其途即謀略如鷓冠鬼谷讜侃如長孺王嘉經術如毛萇轅固博學如楊雄鄭元無以刷羽而奮跡故繫之以選舉地以人重故魯多君子推爲望國秦無人焉僻在戎翟而諸夏擯之人之賢淑者條其品第爲鄉獻宦業孝友忠節文苑武烈貞婦逸

民夫鄉獻之提身致主其樹立也懋宦業之展采敷歷其惠濟也宏孝友之篤斐天彝其砥行也粹忠節之慷慨攫難其履蹇也順文苑則謳吟遣適摛揆斧藻之蔚也武烈則干將捍衛戡亂禦侮之猛也貞婦之矢死靡他寒冰凜霜之介也逸民則高蹈不辱邃壑孤崖之致也此皆可以儀刑士彙維閑世風志而佚若人也焉取志爲故繫之以人物士有栖栖羈旅弗克返其鄉閭者有抱四方之志擇勝而卜居者苟其英標逸韻久而彌芬則固他邦之雋而吾土之光故繫之以流寓文章道之緒也頃者金馬石渠之廷

寰海觚槩之囿才士蠡涌肩比踵躡誰能廢文況文
有爲其地與人而作者非空言比與其過而廢甯過
而存故以藝文終焉志成邑士大夫作而言曰南陵
蕞爾束於一隅自晉迄今文獻寥寥茲舉要綜凡削
竅崇質詳而靡蔓信而不誣昭往詔來其在斯乎余
應之曰惡是何言也不佞五載濫竽瞿瞿汲汲心神
之所劓畫教令之所釐厝藉以逭於罪戾而諸君子
亟書之未足昭往安所詔來抑信而不誣則可謂云
爾已矣故謹撫梗概如此萬曆歲次乙酉春王正月
知南陵縣事沈堯中撰

許夢熊序 士君子志在六合得廣土眾民而均之
豈不欲聲實所貽與天壤俱敝哉顧方居位時此心
克有注措四境之內惟吾所欲爲迨日以遷擢去後
先不相沿襲耳目不及睹聞而君子開世前民之心
始匱於是乎有志焉而寄之志也者非志其山川土
田文獻名物已也志其所以疆理謀爲振德宜民之
術而寄其心於不窮也志之時義大矣哉陵故有志
而載在輿地一統者失之略斷自本邑儒先之筆者
又於嘉隆以後闕焉雖謂之無志亦可嘉禾沈侯才
擅三長政成四載乃與學士大夫咨諏探討闡繹澄

釐起品九京摩蹤斷碣肇自漢晉迄於明興斌斌乎其大備矣至於蒞政以來孜孜民瘼眷眷士情發於咏歌申之文告者復以父老之請列之章次合爲全書遂使百里提封盡一披閱飭如繩矐煥若丹青亡論慧冥凡傑莫不的然有所考鏡而無能以意增損其間侯之意豈不以今日之陵吾爲政他日之陵志爲政吾心可託之千百世而不窮吁斯於侯計亦淵矣侯其可誼也乎昔人有言文章經國之大業不朽之盛事是志也固侯經世之文也可凡志視哉謹序

萬曆乙酉春正月之吉邑人許夢熊撰

南陵縣志

卷末 叙錄

十三

清順治十三年丙申

檄 孫登第 整飭徽甯道轄廣德州礦防副使

主 楊必達 知縣

贊 湯原清 教諭 胡 繩 訓導

纂 秦鳳儀

同 許允成 何天駿

劉宏基

何一化 劉篤生

采 輯 管一驥

陳玉音 姚舜璣

朱一清

陶 進 校 梓 李應舉

俞 煌

楊必達序 邑之有志也凡以俾前有傳後有考因有興起而觀風問俗於是者亦有所據以知其習尙之美惡利病之緩急而爲之補救是故不可以無志

然志或有之而久則闕闕則廢嗣美不彰沿革不著
非其人弗集也非其時弗舉也陵志作自前者靡得
而觀矣舊載嘉靖甲午修於錢令又五十餘年迄萬
厯乙酉復得沈令者釐輯而更定之遂爲陵邑之成
書逮今順治丙申又閱七十餘年其間蓋有幽貞淪
落芳蹟棄遺轉徙於時代之遞易而滅沒於故老之
無存者旣無以傳亦將無考君子有披卷而歎者矣
會徽甯兵憲孫公行部至陵慨然於陵志之久且闕
而幾於廢也檄下修舉而余不敏實承其責余尸祿
數載愧絕無補於興除而狂瞽冥行於此事誠不知

所裁獨是曠典逢時有人焉作之於上正不得以不
敏辭乃設局於籍山書院而延請本邑之薦紳先生
諸君子相與酌古準今去疑存信蒐散軼以表微而
詳因革以備鑑不逾時成帙而付剞劂七十餘年之
闕而欲廢者旣彰以著方之沈志不尤快然哉夫自
沈至今甫有修志之舉兵憲公蒞茲久矣而志稿報
竣則於遷去瀕行之際余亦令陵將五易春秋而是
編茲乃觀成則信乎其有時也今眾請余言以弁其
端余惟是役也兵憲公之心薦紳先生諸君子之筆
而余無事於其間誠無足書者然余幸而會其時亦

以樂陵志之有所傳而有所考是興是起將亟於補救者亦有所據也烏可以不書夫亦書余之會其時云爾若夫志之款目鱗次則先後諸公固序之當而言之悉矣余何容贅順治丙申知南陵縣事楊必達撰

秦鳳儀序 禹貢九州周禮職方志之權輿也大言天下小言一邑有條分縷析踵事增詳者況國家初定朝先圖籍之府野章孔厚之版乎陵志三修及斯其同於昔者數端其不同於昔者數端星野之分秒疆域之延袤山川之流峙以至風俗淳詭水利蓄洩

戶口盈縮田賦增減物產孳息憑弔而景前修攸往而問橋渡敬哀而感祠墓瞻禮而嚴寺觀稽古隲今而徵藝文雜誌此其同者也縣嗇夫有四而仍其二學廣文有三而去其一倉廩徙建於蕪鬻宮改近於縣民壯供捍禦三百名不爲多供勾攝三十名不爲少防兵值有事三十名爲少值無事一名爲多夫馬之設縣給工食草料銀於各里里歸於夫頭馬戶夫馬之變驛使苛折乾惜馬之費於夫頭馬戶夫頭馬戶求多於各里夫馬之裁官田歲入之租能給夫逃馬斃之用逃斃之夫馬不能用官田歲入之租此其

不同者也君子縮符而治鍾靈而起以搏捩自任其
同者批導於自然其不同者變通於不倦無俟他求
就陵言陵仰止工山矗雲插漢不讓其高觀瀾漳水
綠苻翠藻樂與同潔則有志氣之開先焉則有挽維
而恐後焉如修廢陂置石堰而水患以除造版圖正
經界而田制以明尙寬簡務平恕而訟獄衰息此錚
錚佼佼提福民庠輝煌治道者而知足不就薦辟純
孝不畏虎狼體直爲朝廷所倚科名爲一代所重病
革能見夫地下環屍致守犬悲號皆蜚聲於閭里流
譽於孤終使見之起敬聞之生慕嘖嘖陵陽有善政

有流風則記錄不徒塵故府矣故太白一畱飲而仙
坊斯著宣聖一息游而呂山以傳所謂山以仙名水
以龍靈也濟濟名賢後先輩出則天不能災地不能
變人不能波靡於以登勝事上輜軒是則兵憲孫公
暨楊邑侯主修之意諸同人纂修之意已邑人秦鳳
儀撰

秦才管序 茲志也倡修於孫道臺主修於楊邑侯
而家大人與同事諸君舉前志所載未及載者刪汰
冗冒網羅遺逸將告成書余啣校士西秦之命因省
親回里粗識其概夫上窮星紀下訖藝文條則紛如

而次於天者淺深秒忽占候所自昉也本於地者經緯錯繡體勢森羅郭絡融固形勝所自表也著於人者摹風流於未墜畱正氣於如存齒頰所自芬也操觚記載厠身文獻之末因天因地因人以無闕無枉備輜軒之採擇此非其一與昔遷史散佚詔曹大家於東觀校輯後元成間褚少孫追補孝武缺紀益以武帝後事遷史始全後人謂詞旨淺鄙不逮遷書遠甚詒誚續貂至受金鬻筆如劉知幾詆誣班固抑又甚矣孔子之知罪不敢援而淺鄙鬻筆幾幾乎懼之安所折衷耶天非人不因地非人不治立政垂教上

以建中和砥德興行下以遵道路若景公善言熒惑退舍災祥豈彗孛可泥哉而營建啓復穴之舊著作蜚蝌蚪之文夷阻而天作以荒渠成而萬世以利文翁丕變乎西蜀安定從繩於澹菴雖義士忠臣蘭谷幽而自馥而貞幃烈壺麻中扶而不靡故曰政者民之風雨也教者民之寒暑也履勢而下於流水反躬而採於中原一人之善萬人之善也一日之善百世之善也志乎上者循吏名宦而外寥寥焉志乎下者忠孝節義而外寥寥焉夫爲親者諱爲尊者諱父母國之道也而當時則榮沒則傳焉生明備之後以不

負其靈覺所謂克自豎立也南陵舊言無志及考故老所藏宋淳熙十六年令郭堯明嘉靖戊子令俞昌言先後編集文簡事核志但稱一修於錢令再修於沈令則故府之湮沒失傳可勝道哉越七十餘年而後起者得與於此也毋亦散而待訂幽而待闡之時乎大人嘗言道臺之留心舊乘邑侯之捐俸倡助諸同人之恪事襄成盛典使讀是志者某也書聲流金石而有忻心某也不書腐同草木而有愧心未必無激勸之義云如曰服膺曩說疏紊尙多蘇晉眾家剖斷蓋鮮義不明其法戒事惟取其條流幾何而不夷

於稗乘野史也哉孔子曰思齊內省善不善皆益也故惟具有忻心有愧心而後可以讀是志也夫邑人秦才管撰

許允成序 古今記載之林得以書稱於後者蓋亦難矣采摭網羅非一人手目能了訂覈校讐非一代見聞可備或作而勿成或成而勿傳作而勿成者無主持之者也成而勿傳者無嗣續之者也所由然者豈非視其時視其人耶邑志之纂肇自宋淳熙十六年郭公堯始編爲書郭公曠才博學於古事多所依據歷世滋久舊本零落明嘉靖戊子俞公昌言奉郡

檄督修允成之高大父雲實手其事其中記錄大約仍郭志者什之六補輯者什之四蓋其時郭志尙在人間雖殘闕未盡亡也俞書成未及梓越六載甲午錢公照乃鐫春穀志三卷萬厯乙酉沈公堯中復輯鐫之亦爲書三卷而沈志之修則伯大父夢熊預有勞焉閱宋迄明厯年五百歲而有事於志者僅四猶有勿成勿傳者焉逮今七十餘載人代改遷舊聞荒沒記載勿備徵據孰從撫遺緒者甯無文事曠廢之懼乎順治丙申關東龍門孫公備兵新宛篤意修文檄諸郡邑成纂志乘而邑侯聲振楊公慨然有當於

心捐俸授餐廣延能者一切增汰可否悉以委之不爲中撓有陳請者勿應有謠詠者勿聽方幸振興有時主持有人而郭俞二公鈔稿復出於諸生家因得以悉心奮志究所未備而參所勿逮覈異同於四志之中蒐往無漏徵故實於七十餘年之間註今不苟闕者補之庶幾闡潛德之幽光蕪者薙之庶幾存古道於勿墜以稱爲信史殆不誣焉昌黎云莫爲之先雖盛勿彰莫爲之後雖大勿傳茲志之成由侯之嘉意任人以始之終之其爲功先後間不可不爲遠且邵矣刻竣同事諸君子且謂余自先代以來三世得

預於志事是亦當後先之任者不可以無言謹承其
意而略書之如此邑人許允成撰

雍正四年丙午

監修 黃叔琪 知府 主修 宋廷佐 知縣 編纂 汪越

沈廷璐 宣城 陶性 劉燾

同訂 劉運鮒 王三錫 謝陞

劉沛 孫輝宗 梁琳

方于珣 校對 劉祖佑 徐擢用

宋廷佐序 郡邑之有志由來遠矣其體倣古尚書

禹貢周禮職方及諸史為之所貴蒐討備而不漏紀

載確而不誣持論公而不私則志也亦猶之乎史焉

南陵縣志創自宋淳熙中邑令郭君堯迄明嘉靖戊

子俞君昌言取郭稿編輯之奔繕本於邑人家又

六年錢君照考證成書付諸剞劂志昉於此自時厥

後沈君堯中重加增飾則萬厯乙酉年事也逮我朝

定鼎之十有三年丙申楊君必達奉道臺孫公登第

檄令修志志成較前為備雖然一時有一時之損益

一事有一事之因革已裁者利用汰相沿者利用仍

添設者利用增況生當聖世深仁厚澤教養兼隆其

戶口殷繁人文炳蔚更有什伯於前者楊志距今逾

七十年志宜重修甯待問哉余不敏步諸先令後塵雖日兢兢奉職不遑究何能毫末有裨茲土而竊以志之闕焉未講爲憂卽如條編一事康熙初撫憲徐公國相下其法於州縣惟陵應令獨先貴賤畫一行之五十年益便甘棠之澤固陵之士民所不能忘而請志之者也至若陵爲江上望縣舊抑居中學康熙五十五年引河南葉縣例呈詳具題奉俞旨改定大學以廣作人之化而不大書特書可乎況他所宜載者尙不止此乎爰請於郡太守黃公公曰善其圖之遂於康熙六十年夏開局於崇教寺延汪孝廉越爲

任筆削陶文學性輔之三年而二君相繼謝世覽其所作無幾封識篋衍中以俟將來間嘗讀王禹偁竹樓記念一官去畱何定且爲嗣操觚者之難其人復請於郡公乃舉宣邑沈文學廷璐以示曰沈館吾署齋久素以方正稱誠欲陵志之速成非斯人不可余敬受命致書敦請啓汪君遺墨屬就郡署爲之並屬劉孝廉燾徵文考獻搜隱補遺遙相參訂書牘往還無虛日始於今上御極之三年乙巳三月越明年丙午十月告竣公語余曰慎毋視是書易爲也舊稿焚如涉筆寥寥不及什二沈因禮請又重念一邑傳信

之書鏤肝濯髓不避羣喙不染一塵會萃孔亟無間
於寒爐暑扇而逾歲乃成凡一十六卷余受而讀之
其中因革損益綱舉目清蒐討備載確持論公於
以著朗陵山川風俗之美張名卿巨公理學忠義貞
士節媛之盛使後之覽者希風景範於無窮則所謂
一邑之志而不悖乎史之義者其庶幾歟余一匏久
繫治狀疏闊而凝神畢慮承郡公之教與諸君子力
成是書取此償彼或差免俗吏之誚於萬一焉否也
爰不揆而濡毫紀歲月於簡端雍正四年丙午冬十
月朔日知南陵縣事襄平宋廷佐撰

南陵縣志

卷末 叙錄

二十一

凡例 一 陵邑志自宋淳熙時郭令堯始厥後屢

朝順治丙申楊令必達二志存亦多漫漶茲梗概取

諸沈楊舊本而體式一遵康熙癸丑所修府志蓋府

志係遵部頒河南通志式也一形勝依府志附疆

域後邑舊志所載形勢皆三國以來用兵扼險諸事

茲移入卷末附紀中始依江甯志一甯郡舊志沿革

僅有更治界之癸丑重修始指江甯志一甯郡舊志

祥異所以示修省勤補救也舊志失載茲依府志補

入星野後附載於戶口後以昭國朝養老之典茲因

曾沐皇恩特附載於戶口後以昭國朝養老之典茲因

一田賦以見行則例為十一年來丁田屢增賦役全

本折互異支給靡常茲一詳覈清載至前明舊額

亦附錄於後庶備覽觀一田畝民命攸關陵邑高

鄉十四低鄉十六從沈壩以龍發脉之山為水利

詳叙山川初意從巨及邑之水口爛然成一篇文

次第諸山延袤綿亘志之龍發脉之山為水利

字恐人難於屬目仍從楊志僅列山水諸名一文

廟兩廡七十二祠及春秋以來諸儒悉遵雍正三年
 新頒名數序列載祀志至所頒各陳設祭器正祭物
 亦遵載入應立傳者舊志分循不良師表各朝代彙叙
 以便省覽其現任與陞遷者不立傳志舊例也
 志統曰名宦科目類並依舊志成一例登載其有
 一選舉自科之註履歷下志成一人物沈楊二善可錄
 貢能列傳者略教諭南原清所有一人志辦疑之有
 不獻無名臣此府志南原清所有一人志辦疑之有
 也及無名臣此府志南原清所有一人志辦疑之有
 二而各列與目新志南原清所有一人志辦疑之有
 物而各列與目新志南原清所有一人志辦疑之有
 臣鄉論昭垂後史者列軒臣從來志例著風采正
 顏物謙論昭垂後史者列軒臣從來志例著風采正
 人者考有列傳其舊志載姓名今有實據亦為補
 詳也若舊志載姓名今有實據亦為補
 例也若舊志載姓名今有實據亦為補
 實據而或謂舊志載姓名今有實據亦為補
 必有忠信舊志載姓名今有實據亦為補
 學人所矜式者補入未可謂秦實無人也
 君雖未經一貞女節亦不類亦志其所當有精一據近所開列
 真弗錄稱精醫理而實指其所當有精一據近所開列
 二者人一材晉醫理而實指其所當有精一據近所開列
 便謂楚材晉用故甯闕一御製以精一據近所開列
 褻也志馳封者以彰國恩以昭先德以勵後嗣也
 依舊志昭忠盡也其書牘記序有關地首列疏奏
 著謨謀昭忠盡也其書牘記序有關地首列疏奏
 生祠德政去思等碑記及壽言詞詩文諸序或概不
 敢存一凡詩賦或遠而名詞客為邑人作或邑
 人所自弗錄擇其一孝義與列女諸方有補錄之否
 則雖工弗錄擇其一孝義與列女諸方有補錄之否
 者於各姓氏傍無識之以便閱者一圖成豈易與眾
 分曹共事告竣無難一已閉戶冥搜外來毀譽但恐
 失慎惟多期幽質不鬼願言是正以俟後之君子
 掛漏尚多紕繆不免願言是正以俟後之君子
 疆域畫土居民此疆爾界地控楚吳壤隣池太眾水
 建置沿革表緬維紀緯指掌瞭如風漸教被江表名區

志建置
沿革

星野

既燹修惑退舍景公一
言天人氣通即此昭然
人事

城池

王公設險以守其國孰
是彈丸而可或忽懿茲

山川

工山千仞作鎮茲邦總
其肱南國腹心志大綱
扶輿

水利

溝洫盡力大禹且然旱
澇蓄洩人定勝天矧茲

風俗

維民初生受淳澆中本
一族類錯居漸濡異習
俗有

戶口

周禮秋官掌登民數敬
書版籍以獻朝亡林林

田賦

田以定賦法亦屢更惟
一邑聖朝是遵免苛征
釐為

職官

在昔大儒自請試吏惟
親錫福為易師儒

選舉

唐虞顓俊咨岳闢門李
唐以降制科是興人為

南陵縣志

卷末 叙錄

二十四

公署

闕

學校

闕

祠祀

闕

古蹟

闕

名宦

闕

賄封

闕

孝義

闕

人物

維玉韞山雲蒸霞蔚維
珠淵崖潤川媚況乃

列女

從來婦德之嘉婉順節
烈著稱乃其不幸貞操

流寓

麟遊於圃鳳翔於岡地
非名勝靈異焉藏企彼

隱逸 一彼競顯榮此甘肥遯結契烟霞遠超塵壑

仙釋 舍正取奇厭常喜怪解脫逍遙烏能涵蓋雖曰

藝文 含英咀華出經入史鼓吹休明國之網紀金石

嘉慶十三年戊辰

總修 魯銓 知府 鍾英 知府

主修 徐心田 知縣 常太和 原任

甯若波 教諭 程一飛 前任州府訓導授

查嶧山 訓導 張鳳翽 前署南陵丞

周塏 典史 劉杓 舉人署雲南

戴標 副貢候 王賜炆 舉人

南陵縣志 卷末 叙錄 二十五

劉夢清 廩貢 章兆祥 附貢

劉開鑒 理問 張調 歲貢訓導

張大勳 廩貢前署鳳 王文粹 歲貢前署含

陶啓民 貢生 陳策 生員

分校 黃士絡 舉人 丁騰蛟 貢生

許瀛 歲貢候 張錄徵 歲貢

何瀾 生員 姚坦 舉人

劉鋈 廩生 李友桂 生員

探訪 許紹基 生員 劉珍瑞 監生

李錦含 千總 何鴻賓 歲貢候

孫元典 生員

劉鍾靈 附貢

管琴 監生

汪學幹 監生

秦夢熊 廩生

俞式金 附貢

曹文炳 生員

潘世瑞 生員

同訂 孫化鯤 生員

劉偉 生員

何鴻檢 生員

劉承昂 歲貢

范國楨 生員

阮大璋 千總

戴大楚 千總

陶于琪 歲貢 候選 訓導

徐逢陽 生員

何淵 貢生

董瑤 監生

秦好音 生員

南陵縣志 卷末 叙錄

王尙珍 貢生

朱步雲 生員

張傳坊 監生

朱兆昌 監生

萬一注 舉人

陳嘉樂 監生

葉颺 生員

柯合時 貢生

潘幹 生員

朱必楠 監生

戴景韓 生員

何鴻梅 同知

劉宗夏 生員

王慶銓 拔貢 前署 績溪縣教諭

陶運升 生員

汪金蘭 監生

王國材 監生

梁仁 生員

阮瑞雲 千總

王大愷 生員

俞徵 生員

張謨 監生

徐之僕 監生

王汝鎮 州同

茅念祖 監生

劉運秩 州同

葉棲鴻 生員

王鳴珂 附貢

葉仁倫 監生

葉世萃 監生

何燮鼎 附貢

戴高 生員

陶占鼇 生員

賈雲從 生員

監管 錢青 生員

孫傑 生員

潘杓 生員

出納 盛士祺 監生

徐心田序 陵之有志宋淳熙郭令堯實創之明嘉

靖萬曆時俞公昌言錢公照沈公堯中相繼修纂厥有完書國朝順治丙申遼陽楊公必達雍正丙午奉天宋公廷佐續加裒輯較舊為詳迄今又八十餘載矣歲癸亥予以吉士奉命改除外任承乏斯土下車後取志讀之不惟事多遷異板亦殘缺即謀所以葺之而未逮也會郡太守魯公殷然有事於郡志檄下屬邑各隸事以獻予進邑紳士諸君子言曰所謂一舉兩得者其斯時乎皆曰諾爰舉採訪董事廣為蒐羅彙而達於郡歷三寒暑郡志竣而邑志亦釐然成帙僉謂宜有言引諸首簡予惟事有似迂遠而實切

於世教民風者志是已政治之沿革習俗之滄漓人物之盛衰忠孝節義之炳著簡策昭示來茲使閱者皇然起聞者奮乎興於以沃心厲俗雖志一邑乎哉即古今得失之鏡也抑予更有進焉者陵昔爲望縣工山峙其西弋江環其東固形勝之區也乃世有時而升降運有時而汙隆豈非挺生杰出者端賴有人耶我皇上久道化成風氣蒸蒸日上凡昔所謂巖邑者今悉爲化疆矣然則生斯土者承山川之靈淑其何以思傑起沐教澤之涵濡其何以爭濯磨唐韋瓘言囂豪若何而蒸變宋謝諤言澶雅若何而敦復且

也鄉賢定於身後何孝子徐學士之風不可再見耶科名隆於國初一榜四進士之盛不可繼起耶又其他勳績爛然爲一邑先望者均可於志而得也不才每每於期會與邑人士孳孳相勸勉蘄進於文邑向有書院無膏火資士不能游息其間近得好義之士爭先恐後慨然倡捐田畝於纂邑乘之時尙冀聞風繼起者踴躍捐輸共襄厥事行見居業有地養才有資延名師備脩脯萃邑中之俊髦相與講道論學彬彬乎鄒魯遺風上以副聖天子作人之化下以成百里文物之邦或卽藉斯志爲權輿則邑人之幸也亦

邑宰之榮也至於志之體例芟繁補闕具著篇中悉
邑諸君子蒐訂之力予何有焉特任其責於志之成
竊用是愧於是乎書嘉慶十三年冬十二月賜進士
出身甲子丁卯戊辰三科江南同考官南陵縣知縣
前翰林院庶吉士加四級新吳徐心田撰

凡例 一城池水利諸圖精核實難指舊本之舛萃心
目之精攢形繪勢庶尺幅之中不致割裂天吳

何書一建置沿革宋志襲沈楊二志之舊且未載說見
俾可按籍而稽通志府志參互考證並詳所徵書目
星天官家異同條分今野舊志從略但封域皆有分
於編據所山川形勢餘尚俟後之詳核者莫悉舊志固
戶口舊志與賦役全書互異今從新府志分門
臚列漕運鹽法積貯徭役物產並附其後一學宮

南陵縣志

卷末 叙錄

二十九

舊列壇廟卷內但學校首重宜從特書之例今照省
志府志以庶官選舉舊表間有脫誤細加校正特於
簡首詳載設官原委制科始末俾後有考校一沈楊
志有鄉獻無名臣湯廣文曾作辨疑宋志名臣鄉獻
並列查通志府志未見鄉獻門類所載諸人或列宦
業或列懿行甚屬允當但沿襲既久姑仍其舊至新
增人物並照府批準入當一沿襲既久姑仍其舊至新
不列新府志遵旌例存歿人均載六鄉俱自學從略今
學詳府發局增入五百餘人名氏太繁事實從略今
悉仍府志至酌定次第則貞女居首貞烈有孝節婦
烈婦又次之蓋以從容就義難也舊志列有孝節婦
仍之又一舊志無鄉飲五世同堂等類查鄉飲禮最
近古今另載一志門其五世同堂與百歲壽民仍次戶
口卷尾以昭好義休養一生息之盛以爲遇災助賑者
人近一年以來國朝多舊志頗多訛誤今並一委
勸踏一鱗圩壩隸東北鄉舊志頗多訛誤今並一委
臨埂脚以次紛爭一邑文獻之徵其疏奏書牘記序及
述各集名目爲一邑文獻之徵其疏奏書牘記序及

可營 勝私 言其 哉利	子無 民取 矣但 焉法 所久 望弊 居東 北或 者以 體利 前民 賢之 志法 因爲 地害 相民 宜之 無端 各君	利無 民矣 但法 久弊 生或 以匪 輕前 賢之 法爲 害民 之端 君	圩壩 水渠 隄之 設自 古已 興陵 邑東 北低 窪受 池歛 之	於奇 人傑 士者 抑又 多矣 資	之秀 實產 英賢 則其 有資 稼穡 有川 焉淺 鮮哉 且山 川必	有涂 焉其 足北 浸蓋 田疇 而美 稼穡 有川 焉淺 鮮哉 且山 川必	川則 匯於 東北 蓋兩 山之 間必 有川 焉淺 鮮哉 且山 川必	山川 詩曰 相其 陰陽 觀其 流泉 所及 者移 列於 編而	歲不 同由 昔迄 今略 採其 觀風 所及 者移 列於 編而	然也 國奢 示儉 國儉 示禮 風草 之善 移月 異而	風行 於上 俗成 於下 衛多 君矣 抑吾 聞風 俗與 皆其 性	有美 惡風 有貞 淫由 來尚 矣抑 吾聞 風俗 與皆 其性	風俗 川五 方之 險易 習尚 之醜 疵相 沿日 久遂 成風 俗	廣賦 稅之 多揆 之先 王班 祿焉	南陵縣志	西廣 南狹 界土 山東 北肥 界瘠 水定 分賦 轄上 郡下 歷多 稱寡 望南 縣陵 其古 土地 揚州 之域	疆域 禹貢 九州 之域 以山 川爲 界岱 荆衡 華此 以山	惟人 自召 留心 者其 慎之 矣無 門	憂勤 惕勵 疹戾 旋消 禍福 無門	懼焉 然文 景之 世觀 往古 乾象 之徵 如響 斯應 洵可	須女 揚州 分土 歷觀 往古 乾象 之徵 如響 斯應 洵可	星野 古者 星土 政訪 叙叙 事九 州之 域以 觀妖 祥定 吉凶 所	易總 之赭 圻青 陽不 離乎 古之 所稱 揚州 者近 是	以來 遂有 春穀 梁置 南陵 其間 所隸 屢更 稱名 遞	沿革 江左 西境 三虞 夏爲 荒服 至周 爲吳 越楚 一地 秦併	載另 編亦 不沒 人善 之意 嘉今	書但 好義 不急 公事 屬可 嘉今	送局 者仿 新府 志入 補遺 卷一 捐輸 志費 例不 縷行	凡事 有未 經見 者悉 入紀 聞卷 內至 志板 開鐫 始行	徵考 者細 加繙 繹採 入關 土俗 民情 山川 事迹 有足 備	詩賦 箴銘 等作 必實 關土 俗民 情山 川事 迹有 足備
----------------------	--	---	---	---------------------------------	--	--	--	--	--	--	---	--	---	----------------------------------	------	--	--	---------------------------------------	----------------------------------	--	--	---	---	---	--	----------------------------------	----------------------------------	--	--	---	--

南陵縣志

卷末

叙錄

古迹 地以人傳非古人之傳人傳而地與俱傳也瓦棺

樹破塚殘碑風煙黯淡矣見者感慨歛歛流連永歎

其謂之何山有仙則名水有龍則靈靈與名固不在

也山水 學校 堂人莫不肅然起敬者固聖教之感人實深亦人之

之不性無不善也記曰十室之邑必有忠信豈古今

人之相及耶國家重道尊儒涵濡百餘年州序黨庠

設官致餼士生其間爭自濯磨窮理飭行以先王之

化而或有子衿挑達者則必羣靡之是以歎先王之

長教澤矣 武備 詩曰糾糾武夫侯干城記曰足食足兵周之

雨之什猶曰破斧缺斨可知兵可百年不用不可一

日不備我國家承平日久休養生息民至老死不可見

而安不修文偃武固其所也 城池 易曰重門擊柝以待暴客都邑之有城池屯兵

當衝要彈丸黑子和尚矣而地利顧可忽乎哉 官署 官之有署正供任斯土者重賢良隆表率也甘

地不利如人和人尚矣而地利顧可忽乎哉 過敦教化慎刑罰子惠元元民且望署而遙祝象魏

讀法之際有不起敬起愛者乎不然揚揚入政事堂

美衣安坐國民即不敬以慈父之望焉 壇廟 古之祀典必釋奠於先聖先師外此則山川社

邑奉常儀明有禮樂幽有鬼神其 津梁 按天文志天帶江淮為大江南北不足為一州

登降香之度數盍可忽乎哉 一邑述也至於虹雁齒各稽要亦徒杠輿梁之興不

無今昔存亡之異而按籍可稽要亦徒杠輿梁之興不

也制

南陵縣志

卷末 叙錄

郵政 周禮荒政自古賢君救荒不日薄征今之賑流

離豈行疾苦未上聞已頌而催科猶急編戶已納而

積欠尚存甚至散賑不惜帑金閭閻未沾實惠此歷

代之通弊也我朝軫念民艱既設常平預備諸倉而

恤罔弗登蠲租發賑不特月給超軼前代是在愛國

憂民之君子焉 善為奉行焉 賦田揚州以定賦故書曰咸則三壤成賦中邦江南古

賦則下勤則何今之異於古所云耶蓋地無瘠肥而人

有勤惰登食則角為膏腴吾南夙號春穀耕獲獨早

禾稼既登編法行公私兩便之矣 漕運 自秦漢以來天下飛芻輓粟以給關中老弱罷

河渭次第轉運矣唐用劉晏裴耀卿議沿途置倉江汴

宋都大梁距河不遠元行海運明初率令糧里自備焉

船隻運赴通徐民病失業宣德依明舊制官收官耗兌

各於附近水次兌與軍運國朝美矣無推

民戶赴倉完納例重顆不皆仰皇仁哉

輓之勞吏有浮收之禁不皆仰皇仁哉

戶口 從來民數之多寡視口之家培植之盛衰我朝海

詔續生人丁永不加賦丁額科銀編田之徵解猶復

停止編審差役不擾戶口無累誠萬世之良法矣

南陵縣志

卷末 叙錄

田賦 揚州以定賦故書曰咸則三壤成賦中邦江南古

賦則下勤則何今之異於古所云耶蓋地無瘠肥而人

有勤惰登食則角為膏腴吾南夙號春穀耕獲獨早

禾稼既登編法行公私兩便之矣 漕運 自秦漢以來天下飛芻輓粟以給關中老弱罷

河渭次第轉運矣唐用劉晏裴耀卿議沿途置倉江汴

宋都大梁距河不遠元行海運明初率令糧里自備焉

船隻運赴通徐民病失業宣德依明舊制官收官耗兌

各於附近水次兌與軍運國朝美矣無推

民戶赴倉完納例重顆不皆仰皇仁哉

輓之勞吏有浮收之禁不皆仰皇仁哉

戶口 從來民數之多寡視口之家培植之盛衰我朝海

詔續生人丁永不加賦丁額科銀編田之徵解猶復

停止編審差役不擾戶口無累誠萬世之良法矣

職官 其職者何有守之謂也其所司者何謂有司之謂也

立政不惟其官惟其職廢其所司是謂有司之謂也

職罔不祇率厥典交盡乃心今之縣令學博以丞百

尉其於士民尤親其位無大以光典冊後之覽者亦將

武員

外陵當孔道與涇接壤駐防千總兼管兩邑協防

冊姓氏莫稽豈體朝廷右文之旨而從略與第以承

平之世武備未弛守禦有司干城同寄其缺哉今

錄現在所可
稽者著於編

名宦

士襄陽登峴山亭慨然於山以功烈名昔羊祜

名之泯不傳於後世也賢者誠自愛其名身前赫赫不

後泯泯其識者羞之嗟夫世湮遠卓有可紀者代不

選舉

之循人考其孰非古事之功烈昭然今

唐以來設科不一乃以目稱有明專用制藝取士其

間辟召資叙者不少本朝仍明舊制文武兩途得士

封廕

之盛而援例循資抑何異焉

恩仰體不匱之仁而即當何如忠

名臣

焉百爾臣工其報稱又當何如忠

南陵縣志

卷末

叙錄

黼黻勳猷燦然德及民生聲施後世宜其伯仲之間

見伊呂矣

忠節

有聞之死無二身成仁者臣之大節又曰忠臣之義

隆平者非歟事以身殉所遭有心也安危治亂時也亦

國之心則一而

宦業

古者人臣功有五品皆以宦業概之亦謂君子

竹帛邀光寵哉竊觀前史所載人或書良吏或書廉吏

或書能吏卓有可紀者代不數人其故何哉居今之

武烈

尸位古之績所已示鏡也豈曰舊聞庸庸者

火烈烈之功古之戈所為武又儒將也然殺善戰無赫赫

能定國名垂後世不虛耳否則殺人以逞等性命於武

鴻毛武之為
武暴矣哉

鄉獻

文以備記載
有獻以備諮訪
有文獻不足言
則無徵

也或有位或無位或曰雖無位而有位而不以位重即無位而亦

儒林

孔子之學燦然復明於世然君子變所從來亦多矣

折衷於夫子漢唐諸儒大道率擇焉而後道學六藝者

不患之有真小人而患於偽君子變所從來亦多矣

文苑

言以足志文以足言為心聲發之為文而人

則為雲漢天章而昭回象緯下則為棫樸菁莪而黼

也或以故出其中所蘊施之為經濟文章以明其志

南陵縣志

卷末 叙錄

三十四

孝義

孩提之童無不知愛其親稍長而無不知敬其兄

善也然天下不皆孝子弟而又不嘗不感發於孝

而潛焉流涕也天理常存人心不死因備

懿行

鄉人以砥行立名者教人以善謂之忠惠與忠則

笑為迂談見人之善行則指為邀譽甚且誣以一事

之微瑕藉為終身之口實小人好議論不樂道矜

助賑

古昔大上之仁政下有扶仁恤災睦里休哉何俗

財是

可弗志乎

書也

可

鄉飲賓

唐貞觀頒定鄉飲禮儀節守縣以宋慶元中朱賓

以里居年高致仕有夙望者西南北僎則州以倅縣

以遺但世遠年湮其人莫得詳也茲採前明

隱逸利名之於人甚矣哉溺其中者拘譏之為

而蕭然遠引也顧以彼其才即不熏心富貴稍展經

濟安在不可有為於世而必縱情詩酒笑傲烟霞終

山潁水之徜徉何爽然自失焉

列女臣地有正氣為河嶽為日星為聖賢師儒為忠

乃婦天不幸而早失所天或死殉或以貞守此亦

情之不可解也何閨中弱秀未死有夫義則一也旌表

門貞乃與松柏舟並咏耶從士二其行之者何乃不

哉 輓 而夫物不產於宦遊者詳志職官無論矣外此則

南陵縣志

卷末 叙錄

三十五

仕而一家而卒葬者或謫人學者或肆於山巔水湄

社而一至再至者大抵文士自過而問焉者

而側覽物興懷賦詩見志當幸也亦以志慨也夫

方伎 舊邑乘闕方伎蓋以小道置之也第其可混

一哉 乾隆志仍之

方外 今之釋道其下或遂謂其淡勢利精元妙不

廢存心養性之學過矣間有能文章工詩畫以適

其不羈之概者一過名公鉅卿歌詩贈答略形骸以

文墨交而禪房道院遂以增重焉非所謂道也故外

藝文 自古以文章名騷賦之家六經之文尚矣祖德

無名自為師家自為學鬪麗矜奇不可勝紀矣外此豈

罕有存留抑或子孫不克世守其業遂使魚蠹銷沈
散失莫考嗚呼存亡消息今古皆然獨南邑哉今雖
徧採名流擇其尤雅者並登諸
志要亦存什一於千百爾

雜志 凡事之所不經見者鮮不以爲變聖人語常不
語變惡其雜也曷爲記天降膏露地出醴泉禮

著之矣鬼叫於廟石言於宋春秋不見諱其禎祥妖孽
之降於天而憑於人者歟然則所見異辭所聞異辭

所傳聞又異辭以爲博覽之一助
然皆可類志之爲博覽之一助

補遺 棗梨刊矣曷爲補以志所遺也曷爲遺或有古
迹而考未及者或有往事而請稍後者或有今

事而時方成者均謂之遺則亦均得而補之以是歎
陵邑之地方廣而聞見隘焉淮之清工之秀緬也何如

同治八年己巳 未刻

主修 蔡卓人 知縣

按知縣蔡卓人所纂南陵續志見省志藝文史部地

南陵縣志

卷末 叙錄

三十六

理類附錄今不傳省志修於光緒朝其間條文若兵
事忠節宦蹟孝友義行孝女諸門有注明南陵縣志
而事出嘉慶後者計數十則當即蔡志蓋其時卓人
同編輯省志也

光緒二十五年己亥

纂修 宗能徵 署南陵縣事 校覆 程祚昌 教諭

葉資深 訓導 校監 孫達 縣丞

梅淵 典史 李玉芬 試用巡檢代理

舒恭岐 署典史 校分 沈灃 會稽

王彥名 山陰 王啟賢 會稽

王載名 山陰

宗承朱 會稽

陳紹武 山陰

宗承簡 會稽

圖繪 宗郁芬 會稽

訪採 宋城 望江

劉樹棠 詹事府主簿

王日華 增貢生

張培之 歲貢生

秦模 舉人候

沈煥 中書科中書

方穀 恩貢生候

劉莠增 五品封典生理

朱昌琳 二品銜江

范兆蠡 歲貢生

楊蘊輝 附貢生

徐乃光 二品銜江

黃嘉銳 候選

管淮 五品頂戴

朱芳 廩貢生

南陵縣志

卷末 叙錄

三十七

郭鳴鑾 附貢生

文明 增貢生

謝炳宗 廩生

劉賡辰 候選

沈席珍 廩生

王楷 拔貢就職直

徐之桐 附生

朱國鈞 職員

朱朝鰲 游擊銜湖北

姚光照 中書科中書

劉榮實 廩生

楊恭葆 附生

曹國楨 職貢生

何英 廩生

王鴻藻 廩生

劉承恩 藍翎五千總

陳上林 職員

涂葆光 附生

陶琨 廩生

章楷 增貢生

方日升 附生

俞錫璜 附貢生

俞往欽 附生

何漢斌 兩江補用守備
世襲雲騎尉

任凱 附貢生

文鴻 附生

陶產 附生

王璋 廩生

茅尙魁 候補營
千總

崔灼三 附生

茅坤 廩生

陶管臣 花翎安徽撫
候補都司

秦良楷 附生

吳廷燮 附生

戴焮 附貢生

戴焜 附貢生

文邦鏞 從九品銜

楊福葆 監生

劉冠英 附生

李連陞 藍翎山東
候補參將

南陵縣志

卷末 叙錄

三十八

錢膺福 附生

潘錫榮 附生

束兆熊 附貢生

何賡颺 附生

丁光烈 廩生

梅汝霖 廩生

朱孔揚 附生

張國英 附生

朱炎 文童

宗能徵序 攷毛大可蕭山志刊誤足見修志之難

若論夫簡與濫其弊尤不易除然作牧令者欲知一

邑之山川險易賦役眾寡風俗厚薄舍志其何以哉

昔修壽州志秉筆者每就余議乃與當局爭復為袖

手觀洎任亳州適修志告成友人來索弁言以其困

於體例初未之允嗣徇邑紳之請更爲重修兩越寒暑始得刪定付梓惜卸篆時亟於排印不及細校至今猶未釋然戊戌仲春余承乏南陵甫下車思求邑志察其要領以爲自治出治之本而禮胥卽以嘉慶戊辰徐君心田所修志書進一再展讀惜其門類欠斟帙多殘缺蓋南陵本漢春穀風土人物夙稱饒秀自遭粵匪蹂躪半係流寓之戶近來異端相尙氣質遂爲迴變且徐志之作迄又八十餘年矣若不及時纂輯日久恐益無徵茲余不揣固陋公暇重爲釐訂原本舊志加以採訪證以通志及宣城繁昌等志參

互不厭詳慎譌者正之支者芟之增昔所無續今所有年餘僅成輿地職官列女藝文四卷迺又奉調將去半途而廢心殊耿耿雖不敢謂繁簡得宜折衷至當聊舉一隅足以傳信云爾夫志者史之流也政教之本也曰小志者亦示志之未竟也我聖朝累洽重熙光昭文治余得自壽而毫而南陵與邑人士振興學校閒話桑麻成此小志以備輶軒之采不可謂非幸事爰擬印行因誌其難述其不易旣以自勗並以告後之宰是邑續是志者是爲序光緒二十有五年歲在屠維大淵獻孟秋下浣誥授榮祿大夫賞戴花

翎三品銜同知用權知南陵縣事亳州知州會稽宗
能徵撰

程祚昌序 志之爲言記也記言記事要於可信而
己南陵在皖東古爲春穀當吳楚之交兼荆揚之勝
山環西南水繞東北自九華發蹟度落牛嶺蜿蟺扶
輿磅礴而鬱積故其巖谷深秀風土清美魁儒碩彥
代不乏人具詳於嘉慶戊辰所修縣志矣迄今八十
餘年中更離亂兵燹摧殘所留存者僅得其一其時
官斯土者非無卓犖拔萃之才淵博貫通之士而久
而且遠卒不參以筆削者其故何歟或因簿書鞅掌

罔事搜羅而聽斷裕如者大都傳舍一官及瓜而代
未必能優游卒業也或因簡編散佚耆舊彫零所傳
異辭所聞異辭雖欲爲之恐未足信今而傳後也其
難其慎大率類此顧剝而待復絕而待續天下事比
比皆然值此時世清平人民和樂而猶不考遺文咨
故老尋墜緒於刼燼之餘吾恐日就湮沒徵信無從
魯魚亥豕之訛更僕難數矣將何以折衷於大道而
得其標準耶戊戌春仲會稽宗公下車伊始從容措
施首以培植人才爲本廣購羣書藏於書院爲諸生
流覽其考課也於生童前茅分別優獎故比戶絃歌

之聲不輟焉公餘之暇念邑乘殘缺字句漫漶間有一二鈔胥之本又或擇焉不精語焉不詳爰抱墜訂遺手自編錄零星補綴集腋以成全書未竟捧檄將去故名之曰小志蓋其夙夜兢兢虛衷若谷不誇多而鬪靡者亦欲使名實相副而已先是宗公歷任壽毫兩州均慨捐廉俸修志告厥成功傳之於世久矣今來是邦設竟視爲秦越之分無與於己是則厚於彼而薄於此非仁人君子之所爲也爰將舊志所載簡者益之誤者正之一一臚列旣賅且贍而又於此數十年中忠孝節烈未有繼者依其門類次第增補

舉凡廟社壇壝有關祀典者本測量法定以向繪以圖使秩然不紊雖曰有詳有不詳焉而提要鉤元不外乎是自今以往蔚起人文後先輝映有采風之責者因流溯源後之視今猶今之視昔矣然則此一志也上繼前人下俟來者關繫匪淺又何小之有哉光緒二十有五年八月南陵縣教諭歙邑程祚昌謹序

葉資深序 南陵志修於嘉慶戊辰閱今八十餘年僅存一部蓋危如剝之碩果矣失之不修非惟嘉慶戊辰後之文物愈久愈湮即嘉慶戊辰前之文物亦可恃而不可恃兵燹後卅餘年來官斯土者休養涵

濡民氣文風稍稍復舊其中不少勤敏明哲之才淵懿博雅之學見志剝而不急爲復也抑又何與豈徵文考獻非有司責與毋亦以典章殘缺耆舊凋零文與獻皆不足徵草草從事恐未足信今而傳後知難而退蓋其慎也然經籍阨於秦火存者幾何漢儒掇拾補苴存什一於千百卒使斯道復明後之人藉以攷先王之政教窺前聖之淵源固未嘗憾漢儒掇拾補苴之不廣而轉歎功及後世者爲無窮也然則知難而退孰若知難猶進之爲愈乎戊戌春會稽宗公調權斯邑下車未久憫縣志僅存慨然有志修之而

又念物力艱難費不易出且有鑒亳州志開局纂輯費不支而志難就迨公蒞任示以塗徑始告厥成故於此不開局以節費惟取署中案牘之有可攷者補之無攷者闕之其節烈義行之可載者令邑人詳報而已慎取之洎己亥秋書成十之四五將謀剗剗適奉檄調憫志未就擬捐廉鐫之以惠南邑而名曰小志將行以其已成之輿地職官列女藝文等類若干卷屬校對而譏弁言深展轉卒讀見圖說較舊志爲詳明訂正較舊志爲的確疑者存之複者注之書雖未全要其所成者皆足信今而傳後者也於是歎公

勤敏明哲之才淵懿博雅之學有大過人者夫南陵劇邑也簿書獄訟不勝其煩公處之案無留牘庭無宿獄遠近書劄皆不稽而手答焉而卒游刃有餘以及乎此人之度量相越豈不遠哉以此推之天下事之利病有待於興革者不可畏難大抵亦若此矣其名爲小志欲然不以自足若不免疏略之憾然此即復之機也後之有志者周諏博訪踵而增之使南陵文物燦然大備將羣戴公之功於無窮又誰謂其疏略乎爰不辭譏陋而爲之序光緒二十五年八月南陵縣訓導太湖葉資深序

南陵縣志

卷末 叙錄

四十三

擬重修南陵縣全志例言

一 攷宋清熙十六年知縣

嘉靖戊子年知縣俞昌言修有南陵縣志嘉靖己年知縣錢照萬歷乙酉年知縣沈堯中國朝順治丙申年知縣楊必達雍正丙午年知縣宋廷佐嘉慶戊辰年知縣徐心由均重修有志兵燹後縣署收藏惟存刻本各一帙間有殘缺今八十年有徐志刻本寫本不一事輯而徵文攷獻日久恐可謂碩果僅存若不早事修輯而徵文攷獻日久恐益無彰一徐志卷首僅繪二山川水道塘壩四圖二曰斗宿六星三曰南陵縣輿圖四曰上鄉圖五曰下東鄉圖六曰南鄉圖七曰西鄉圖八曰上北鄉圖九曰下北鄉圖十曰南陵圩壩圖十一曰南陵水道圖十二曰聖廟圖十三曰文昌宮圖十四曰縣署圖十五曰養正學堂另建照四曰縣署圖十八曰聖廟圖十九曰文昌宮圖二十曰春穀書院圖二十一日養正學堂另建照繪十九日籍山圖二十日輿地學堂蓋左史右圖均不

多選牽混茲擬分別增刪爲志十次有固首曰輿地次曰選舉人物藝文志爲十次有固首曰輿地次曰

孝通考三本徵再四校對竟重出三股之兩足見其
 難而忠義通考亦必有舛錯非加意校修不可一
 徐志藝文類子目太繁非一朝代之書籍若細分門徑
 轉使閱者莫辨茲擬改修以朝代之書籍若細分門徑
 次文〔疏〕割議辨書記序箴銘贊均歸一門〔〕次賦次詩
 遺各條分別修入各本門並易雜志之名爲雜類志
 首祥異次仙釋次撫紀次舊志序跋纂修參校採訪
 姓氏均
 附載

南陵縣志

卷末 叙錄

四十五

南陵縣志卷末終

